



SANCTITATIS GIGAS
Panegyrico expressus in Festo
S. IVONIS PRESB. PAUPERVM ADVOCATI
AD S. R. E. CARD.

Ab Alexandro Petruccio Eratino Sem. Rom. Cler.
XIII KAL IVNII AN. MDCXLI

Valerianus Regnatus

3

ILLVSTR.^{MO} ATQVE EXCELL.^{MO}
P R I N C I P I
NICOLAO BARBERINO
VRBANI VIII.



Pont. Max. Nepotis Filio .

Equiti Hierosolym. Fani Priori.



ALEXANDER PETRVCCIUS SEM. ROM. CLER. F.



*EXPRESSVS à me paulò ante in
laudatione Sancti Iuonis , excep-
tusq; cum plausu SANCTITATIS
GIGAS, iterum vocatur in lucem;
Illustrissime , atque Excellentissi-
me Princeps , & redditur palàm
congeminatione gratissima, non
à pennicillo Pictoris , sed à praelo Typographi : neque
enim audientium aures , praeclara imaginis magnitudi-
nem aestimare satis posse videbantur , nisi etiam legen-
tium oculi subiectam sibi fideliter recognoscerent , atque
ultimam maturè sententiam ferrent , longo æuo per-
mansuram . Ego sanè necesse habui dum dicerem , non
orationem protrahere ad molem Gigantis , sed potius è
conuerso , granditatem huius ad præconiij tenuitatem
contrahere : nunc autem eiusmodi effigies (quæ ad vo-*

A ij latum

latum verborum irreuocabilem, vel euannit omnino, vel cecidit) dum ex typis resurgit, sedem nata est sibi parem, in splendore Tui nominis, atque in amplissima luce BARBERINAE familiae, unde facilius conspici, tanquam in bono lumine, potest, et citra umbrarum impedimenta spectari. Tibi quidem illa dedicatur, ad aetatem istam, quam adhuc tenerrimam geris, nullatenus coarctanda; quoniam vel in ipsa pueritia, non mole corporis, sed animi indole gigantem imitaris, ab eo nimirum ortus sanguine, ex quo nihil non maximum nasci iam potest. Ex BARBERINIS Principibus, quorum in clientelam sum adscitus, Tu praecipue fuisti mihi in Patronum optandus, cui exhibitus à Parente meo famulatus, me arctiori nexu seruitutis addixit. Patere igitur Tuo nomine meum hunc libellum insigniri, in quo non tam luoniane magnitudinis simulacrum licebit contemplari; quam similem Tibi gloriam augurari, dum insita pueritiae Tuae, virtutum semina maximarum ostendis. Vale.



ORATIO.



VONEM suscepto paupertatis patro-
cinio nobilem, non minus iustitiæ
Magistrum in foro, quam religionis
in templo, Sacerdotibus æquè, ac lu-
reconsultis exemplum, ad clesydram
laudare, pro meritis, nulla potest elo-
quentiæ vis, nulla facultas ingenij: vbi
enim laudum copia vltra concessum
dicendi spatium longè feratur, debet oratio citius amputa-
ri, quam perfici. Quamobrem ex Veterum instituto, solen-
tem ego Sanctissimi Viri exornationem aggressus, breuiter
aboluendam, vt tempori magis, quam rebus præconium ac
commodem, cogor paucis multa complecti. Et sanè publi-
cus Iuonis præco constitutus ad hunc vestrum confessum;
Cardinales Eminentissimi; opto potissimum in eiusmodi
causa, non melleam Nestoris, in dicendo dulcedinem, non
catenulas aureas ab Herculis ore prodeuntes, non Vlyssis
niues leniter profluens in verba, non Periclis fulgura, non
Isocratis flores, non Demosthenis neruos, non Tullij vber-
tatem; sed artificis cuiusdam ingenium, qui scitè admo-
dum, & expressè delineasse fertur in minima annuli gem-
ma vastæ molis Gigantem; ità quidem, vt perangustus or-
bicularius ad artis miraculum membrorum exprimeret ma-
gnitudinem humana maiorem; neque (quod olim facere
consuevit Proustes) iconem giganteam ad lectuli breui-
tatem vlla ex parte minueret. Atqui Iuonem paritura Ma-
ter visa sibi per quietem est, vt aiunt, Gigantem eniti, oppor-
tuno præfagio sanctitatis, virtutibus, atque prodigijs illu-
strandæ. Nam vt ex Græcorum historijs oblata quondam
Astyagi Medorum Regi per somnium vitis, quæ nascens ab

A iij vtero

Plutar. in
Romul.

Petr. Cha-
net in vi-
s. Iuon. cap.
117.

Indis. lib. 7.

vtro Filia palmites ad orientem vique protenderet, futurum Cyri nepotis imperium auo significabat; vt ex Romanis monumentis Actia Augusti mater, non solum viso in somnis, sed subitis alui maculis expresso Dracone, conceptum à se filium terrendis barbaris, atque orbi propemodum deuorando proditurum intellexit; vt denique sanctiore ostento Christianorum annales tradunt circumuectam à cane faculam Dominici natalibus praeluxisse, ad illius argumentum incendiij, quod vir Deo plenus in cordibus per sacras conciones erat excitaturus: ita protus sanctitatem luonis eximiam, obiecta eius parenti per somnum Gigantis species imminente iam partu, haud obscure notabat; qui primum Gigas immanium loco membrorum, & roboris inusitati, virtutes habiturus esset vltra mensuram, & numerum magnas; deinde patris vbiq; miraculis ad gremium mundi cardinem, atque ad sublime cæli fastigium peruenturus. Exponam ergo paucis vtramque partem, vt Iuo, qualis matri antè natalem apparuit, oratione breuissima, tanquam vnus ductu lineæ, maximus exprimatur.

Ordiamur à virtutibus, quæ sunt Gigantis huiusce membra quædam adeò magna, vt illis terreri me videam hærente faucibus voce; & quidem (quod formari primum in hominis molitione tradidit Stagiritæ) cor exhibebit absolutissimum charitas in Iuone præcipua, Christianæ vinculum perfectionis ex Paulo. Vix enim firmato vestigio ambulare cœpit inter mortales puer, vix compressis infantia vagitibus didicit per voces animi sensa depromere, vix liber euasit è cunarum angustijs, aut è vinculis fasciarum; cum præoccupata vitæ melioris maturitate, annis, & corpore immaturus addixit se cælitibus totum, sui que oblitus, vni Deo viuere festinauit. Abstractum à matris vberibus diuinus Amor nutricius idem optimus, & magister in schola pietatis erudit, & per vias adolescentiæ lubricas si-

ne

*Suet. in Aug.
cap. 94.*

*Ex Anal.
Ord. Præd.*

*Iuo ex vir-
tutibus &
miraculis
Gigas:*

*Arist. lib. 3.
de part.*

*S. Paul. ad
Coloss. 3.*

*In Iuonis
charitate,
Gigantis
exhibetur
cor.*

ne vlllo casu , aut prolapsione adeò continuuit in gradu , vt
perpetuum virginalis integritatis , & innocentia seclatorem
dimiserit nunquam . Tanto sub magistro , tanquam in Mi-
dæ manibus , aureum euasit Iuonis cor , exclusis voluptatum
illecebris , quæ candorem animi , morumque deprauant ;
neque enim cum plerisque mortalium hæsit in luto , sed su-
bita alarum explicatione multò felicius , quàm compactilis
Architæ columba in cælum euolauit : intimo deinde sinu
diuinitatis exceptum , nobiliore artificio , quam olim As-
pendius ille fidicen , intus canere didicit ; tacere iussis om-
ninò Sirenum cantibus , quæ iuuentuti exitium moliantur ,
adeò vt septem ipsos dies orando transegisse legatur : ma-
gnum profectò cor , quod in terra parem sibi sedem nullam
inuenit , sed in arcam diuini pectoris , vbi thesaurum ha-
buit , suo quasi iure penetrauit .

Natal. Com.
Mythol. lib.
6. cap. 15.

Aul. Gell.
lib. 10. cap. 10.

Cicer. Verri
6.

At caput non minus , quam cor in Gigante requiritis Au-
ditores . Ego verò in hanc laudem vocare non dubitaue-
rim sapientissimè administratam ab Iuone iustitiam , quam
virtutem esse maximè capitalem nemo negabit . Etenim
ius dicere ex legum iustissimarum præscripto , suum vnicui-
que tribuere , in dubijs sententiam ferre , componere li-
tigantium dissidia , describere criminibus pœnas , statuere
fontibus supplicia , reos absoluerè , furta repetere , iniurias
vindicare , arcere vim publicam , exercere iudicia , iustitiæ
sunt opera , quibus implendis Plato præcipua Reipublicæ
capita seligebat . Et quidem satis virium ad censendi pote-
statem habebat Iuo , quem artes bonæ , quem liberalia stu-
dia , quem iuris , legumque peritia , quem anteaestæ vitæ
rationes à principe regula nullatenus aberrantes , quem in
pectus illapsi religionis igniculi commendabant . Nam ad
ponenda tyrocinia scientiarum Lutetiæ primum excul-
tus humaniore litteratura , edoctus philosophiæ naturalis
arcana , & sacrarum cognitione doctrinarum imbutus : de-

Sapienter
administra-
ta iustitia
Gigantis est
caput.

Plato de
Rep.

inde Aureliæ in adyta Iurisprudentiæ receptus, spectatæ vir
 sanctimonix, atque eruditionis à Rhedonensi semel, ite-
 rum ab Antistite Trecorensi assumitur in pastorali animo-
 rum procuratione vicarius. Quare causarum in sacro fo-
 ro publicus cognitor, quæsitör, & arbiter constitutus, ad
 prouinciam aleæ periculosa plenam fideliter obeundam,
 necesse non habuit educere ab antiquitatis visceribus Cam-
 bysis Persarum Regis exemplum, qui Sisani corrupti iu-
 dicij reo pelle detracta, Iudicum subsellia iussit insterni, vt
 à flagitio continerentur cæteri, quibus forent in posterum
 summarum rerum calculi permittendi; nam diuini ima-
 go iudicij altius animo consignata, & postremæ senten-
 tiæ ratio, diu, noctuque meditando recognita, vel à mini-
 mis in iudicando labeculis optimam Iuonis mentem, quam
 longissimè auocabat. Tuba illa cælestis mortuos è sepul-
 chris excitatura eius auribus (vt quodam Stridonensi Hie-
 ronymo) præludia quædam in dies fragoris vltimi facie-
 bat, & perinde quasi singulis Iuonem momentis sisteret iu-
 dici Deo, ad eundem perpetuò personabat. Itaque sen-
 tentiam pronunciaturus, oborta diuinitus luce rem omnem
 ad examen vocatam æqua lance pendeat, fundebat pre-
 ces, soluebatur in lachrymas, æternæ oraculum Sapientiæ
 consulebat; donec, quasi ex Democriti puteo veritatem
 expiscatus, bono in lumine collocaret. Si quando spoliare
 pauperem bonis in pœnam admissi criminis cogeretur, ita
 elementiam nouerat accommodare iustitiæ, vt æquè susti-
 neret Iudicis personam & Patris, dum quantum abstule-
 rat egeno sententia per iustitiam, tantumdem de suo
 voluntas per misericordiam illi reponeret. Neque iam
 soli Locrenses commemorabunt mihi Zaleucum, qui al-
 terum sibi oculum, filio reo alterum effodi iusserit, vt lex
 ab adolescente violata vindicem Regem haberet, eundem-
 que misericordem Patrem filius experiretur: habet nimi-
 rum

Herod. lib. 5.

S. Hier. lib. 1.
 contr. Ruf.

Valer. Max.
 lib. 9. cap. 5.

rùm Iuonem Gallia , qui reos pauperes de re pecuniaria disceptantes , ità ad solutionem adegerit æris alieni , vt suis quoque facultatibus omnem ex multa iacturam vltro damnatorum inopix compensarit . O iusticiam ad leges exactam , sed clementix prorsus affinem , eaque ex amoris præscripto terminatam ! Equidem intueor in hac vna virtute Gigantis caput suos vltra terminos extensum , ex cuius mensura melius , quàm ex pede colligere licet quanta laudato Colosso sint membra .

Sed an Iuoni vox defuit tonitruo par , qualem in Gigantibus Poëtæ commenti sunt ? an linguam in eo desiderabimus suprâ vires forensium Oratorum vehementem , & efficacem ? hominem aspiciite deposita iudicandi prouincia inter Patronos adlectum , imò pro solis pauperibus , nulla nisi à Deo sperata mercede apud Iudices perorantem . Aurea illi quidem in rostris eloquentia fuit , quæ tamen non auro foret emenda , sed precibus egenorum : supplices horum libellos ex remotioribus partibus tanquam alis columbarum delatos , ad se vnum confluere gaudebat . Quare defensâ sæpius liberali patrocinio paupertas , specioso illum titulo Aduocati pauperum decorauit suprâ veterem gloriam , qua deuictæ olim vrbes , populi in seruitutem accepti , expugnatae regiones peculiaria Romanis Ducibus cognomina tradiderunt . At in eiusmodi causis Iuonis non modo studium , & diligentiam , sed in omnes planè formas versatilem eloquentiam referre pro meritis , & laudare pro dignitate non possum ; nouerat enim è superiore loco , cum præstantissimis Oratorum ad Iudices non verba torquere , sed fulmina ; sæpè (vt apud Areopagitas) rationum momentis pugnare , non arte ; interdum confugere ad vim dicendi , aut præditam artificio non vulgari facundiam : nouerat copiosè loqui cum Atticis , cum Laconicis pressè , cum Homérico Menelao limatè , cum

Eloquentia
forensis, &
sacra, Iuo-
nis est lin-
gua e

Ex Lin. Ta
cit. Suet. &
alijs.

Inl. Poll.
lib. 2.

Ex Hom. v.
Iliad. &
Odyss.

Ne-

*Ex Cic. lib.
3 de Orat.*

Nestore suauiter, molliter cum Vlysse, perpolitè cum Ly-
sia, cum Isocrate floridè, cum Gorgia numerosè, cum
Africano grauitè, leniter cum Lelio, vehemèter cum An-
tonio, cum Crasso constanter nouerat orationem fle-
ctere, ac permurare cum Tullio, vt modò fluentem sine
salebris in aquas diffunderet, modò incalescentem in ignes
inflammaret, modò profunderet ornatam in flores, modò
spargeret illuminatam in gemmas, modò pretiosam ac
diuitem in auri pluias eliquaret. Huius eloquentiæ vim
verè flexanimam, & prodigiosè efficacem fuisse quis ne-
get? Narrat Historicus non ignobilis, habitasse ad meri-
diem homines, quibus linguæ à radicibus imis bifidæ mul-
tiplex vsus foret; dum satisfacere simul pluribus respon-
dendo possent, atque enunciare diuersa. An sit hac in re
scriptori fides habenda, viderint alij. Ego verum in Iuo-
ne miraculum deprehendo; nam pauperum causis dum
studet impensius, dum ardentius tuetur eorum iura, dum
ab iisdem liberius propulsat iniurias, intereà audientibus
etiam pietatem, ac religionem sensim inspirat; & alteris
quidem collectas quasi de naufragio fortunas restituit; al-
teris verò aperit cælestium thesauros gratiarum. Non est
igitur cur miremur, quamobrem Sacerdos integerrimus
æquè feliciter in foro paupertatis ageret causam, ac virtu-
tum in templo, vnde tanquam è theatro declamationum
aculeos intendebat in vitia, Tartarorum monstra voce ter-
rebat; profugam religionem, iustitiam peregrinam, eie-
ctam afflictamque pietatem ab exilio reuocabat. Ab illo
concionante sunt emendati toties ciuitatum mores, instau-
rati sacrorum cultus, euerfa fraudum cubilia, opulentio-
rum ambitio castigata, sublata tenuiorum avaritia, licen-
tia iuuentutis repressa, fracta prauè sentientium perfidia,
subiectæ cordibus diuinarum institutionum faces, illatus
animis Deus. Hæc nimirum opera, hæc victoriæ propè
quo-

*Diodor. Sic.
Rev. antiq.
lib. 3. c. 13.*

quotidianæ Oratoris erant, moribus non minus quàm vocibus declamantis; qui singulis ferè membris ad populum pro diuina gloria peroraret, cuius vita, tanquam lingua quædam, non strepitu verborum, sed rerum persanctè gestarum eloquentia personaret.

Verum à lingua transeamus ad manus, quas reperiemus in Gigante peramplas, & reliquarum partium magnitudini omninò conformes, nisi fortè illis caruisse Iuo dicendus est; quoniam ab Aegyptijs primum, deinde à Græcis ludicum imagines abique manibus consueuere depingi, vt eiusmodi magistratus ratio notaretur, qui tunc incorruptus, & integer esse censeretur, vbi Iudex ad oblata munera quasi mancus, & mutilus constantissimè perseueret. Attamen profusa in pauperes liberalitas, atque ad eos paucendos exhausta penitus horrea, apothecæ condonata, annui redditus viritim in miseros distributi, exoneratæ pecunijs arcæ totæ, luonem nobis, vti Briareum alterum, verè centimanum exhibebunt; cum ille solitus esset quotidie intriujs mendicos quærere Diogenis facula, excipere aut errabundos hospitio, aut lecto ægrotos, affundere pedibus aquam, adhibere mensis conuiuas, alere domi suæ familias integras, victum sibi, vestitumque detrahare, quò consuleret indigentibus, in horas denique singulas penum famelicis aperire. Quis non admiretur, & laudet adeò beneficas manus, quæ vsurpata non sèmel à Tito Cæsare querela, dicere nunquam verè potuerint à se perditum diem, Iure optimo ad giganteam amplitudinem videbantur extensæ, dum innumeros pauperum greges, quibus alendis vix terra par foret, munificè ac benignè foueret? Atqui tu Iuo sanctissime tanta in alios liberalitate profusus, in te ipsum vique eò parcus deprehensus es, vt manus ad tuum commodum habere videreris planè nullas; saccum pro veste cilicinum, eumque durissimum tibi seposueras ad volunta-

Liberalissimæ Iuonis manus.

Stob. in (em.) sen.

Ex Laert. in Diog.

Sueton. in Tito.

luntariam corporis afflictationem; noctes orando traductæ quietem parabant, sed insomnem; at ubi necessitas urgebat nuda cubabas humo, tuo sæpe respersa sanguine, quem expresserant flagra. Cum recurrerent Christianis legibus imperata ieiunia, pane tantum & frigida victitabas. Nimis crudele bellum hoc erat, tibi vni illatum auctore te, in quo iam canebar receptui destituta viribus ætas, sed nequaquam audiebatur. Manus istæ prodigæ simul, & parca, beneficentiam alijs exhibebant; vni tibi leueritatem, atque inopiam referuabant.

Pedes Gigantis nō angustici, sed angustium domitores.
Macrobius, lib. 1. cap. 20.
Lampridius, Virg. in Aeneida.

Ego interim attonitus ad pedes descendo, quos & si Gigantibus angusticos, atque obtortis in spiras; cruribus Draconi similes tribuebat olim Commodus Imperator ex vulgato Poætæ commento.

Ima per orbes

Squammeus intortos sinuat vestigia serpens.

Verumtamen nihil tale reperiam in luone, cuius itinera solum expressa leguntur ad diuini imitationem Gigantis, rectam in cælum viam, non obliquam, ac tortuosam suo exemplo docentis. Quare quemadmodum hic per spatia viarum longissima laboriosè decursa anguem humani generis hostem calcando compressit; ita consuevit alter eadem via sequutus tanti Ducis vestigia eludere serpentum insidias; & per illorum capita securus incedens, nullam timuit à veneno perniciem; occurrentia passim voluptatum oblectamenta despexit; auro, argentoque non est captus; splendorem generis, maiorum imagines, honorum insignia, tanquam inanes umbras, & simulacra vanissima ne vidit quidem; denique per mille Stygiarum fraudum offendicula, nusquam titubante vestigio, peruenit ad metam.

Habetis Auditores Gigantem oratione mea delineatum; habetis ingentes luonis virtutes, immanium instar mem-

membrorum vestris oculis minimo colorum ductu lubie-
tas. Iam illum cælo maiorem, & mundo, utpote Diuini-
tatis æmulum, in miraculis, quæ patrauit, aspiciate. Tiphœum
in fabulis legimus admirabili magnitudine præditum, sy-
dera capite, & geminos orbis cardines manibus attingere,
toto sinu mundi partes complecti, cæloque propè vim fa-
cere. At in elementa singula, vis, & potestas Iuoni diuini-
tus concessa, eorum merito dici potest complexus quidam.
Extendebat quocumque vir sanctus brachia; quocumque pal-
mas intendebat prodigiorum feraces, ad quarum nutum, ut
ad zephyri purioris afflatum terra, non semel floruit; excisæ
ad templi molitionem arbores, & deiectæ, iterum radi-
cibus solo defixis, sunt ad pristinam integritatem illicò re-
stitutæ; relictus in horreo frumenti modius, ad vberissimam
excreuit annonam; vnicus in mensa panis, congeminatione
subita, plurium conuiuiarum expleuit famem; cesserunt
ab humanis corporibus ministri pœnarum Spiritus;
& sine Machaonis opera, aut viribus Æsculapij, morbo-
rum impetus sunt omninò repressi; mortui quoque ad de-
cem, & septem, vitæ restituti. Præterea senserunt aquæ
præsentem Iuonis manum, cum redundans ab imbrum,
& niuium copia rapidissimus fluuius, vndas vtrimque re-
cedere iussit, & liberam ab alluione semitam transeunti
reliquit. Iuonis etiam aspectu commotus aër, in eius gre-
mium, plurium inspectante corona, placidissimas ad lu-
dum immisit auiculas. Extensam denique viri dexteram
ignis, rerum corporatarum voracissimus helluo, interdum
extimuit; cum enim latè grassaretur in ædibus ciuitatis in-
cendium, adeò ut ad totam ferè viciniam pestis pertine-
ret, nec humanum sperari posset vllum in communi malo
remedium; illuc à ciuium gemitibus vocatus Iuo, tùm
fufis ad Deum precibus, tùm etiam obiecto Crucis signo
vim flammæ extinxit. At etiam eius miracula perue-
nerunt.

*Gen. 11.**Genal. Com.**Myth. lib. 5.**cap. 21.**Exod. 3.**Gen. 1.**S. Hieronym.*

nerunt in cælum : nam quò insana illa turris molitione
 niti contenderunt Gigantes, quò Superis infensi Titane:
 per aggestos montibus montes, quasi per gradus, bellum
 ferre conati sunt; eò nolter hic Gigas, vel constitutus in
 terra, victricem manum iniecit; ità tamen, vt non tam ip-
 se dum viueret in cælum penetraret, quàm ad se Cælites
 Herculeæ veluti catena pertraheret. Quoties accepisse fer-
 tur hospitio Beatas Mentis, & mutuis earum colloctioni-
 bus interuisse! Quoties Sanctos viros æternitatis in sinu
 regnantes, comites itinerum habuit, ac domi contuberna-
 les! Quoties Deum ipsum Cælitum Principem, humano sub
 aspectu domesticum sibi vidit, & familiarem! Quid signi-
 ficabat lapsa semel de cælo flamma supra caput Iuonis
 Christiano ritu sacrificantis, nisi illum humani generis
 conditorem æternum, qui vocali sub incendio visus est
 Moyse quondam in rubo? Quid candidissima illa Colum-
 ba notabat, quæ subito volatu ad eundem accessit, excu-
 bantem in templo nocturnis precibus, nisi diuinum Spiri-
 tum, qui ante mundi primordia aquis in similitudinem
 volucris incubabat? Quisnam erat pannosus ille mendic-
 us, squallore, atque inopia miserabilis ad aspectum (quem
 Iuo foris semel, aduersus vim frigoris detracta sibi veste
 contexit, domi iterum mensæ suæ conuiuam adhibuit) ni-
 si CHRISTVS DEI FILIVS amantissimus paupertatis? Hic enim
 uerò quàm subito scenam mutauit! quàm à se diuersus
 apparuit! cum sordibus conuersus in lucem, ex obscuro
 clarissimus, ex deformi decorus, ex mendico diues, splen-
 dore locum, & hospitem iucunditate perfudit. Igitur Iuo
 pauperum pater, cæli expugnator egregius, cælestes ciues,
 eorumque Principem traxit ad se; dignus certè, qui cin-
 ctum immortalis laurea caput, in illud æternæ gloriæ Capi-
 lium triumphalis Gigas inferret. At intulit tandem, quan-
 dò imminentem sibi mortem, cecinit felicissimus olor, &

môr-

morbo correptus vltimo, nudis recubuit in paleis; vt vbi natus ab vtero Virginis, Gigas olim Diuinus, exultauerat ad stadia mortalitatis decurrenda, ibidem mortuus alter Gigas, liberum à carcere spiritum emitteret in gremium Diuinitatis. Proximis ferijs, post votiuam nostri Liberatoris in cælum ascendentis memoriam, obiisse ferunt Iuonem; vt nimirum vel pompam triumphantis augeret, vel per expressam ab eius splendore galaxiam, triumphum duceret suum.

Videant hic seriò Iurisconsulti quàm bona, quàm felix, quàm gloriosa sit pauperum causa; videant quò pro- uexerit integerrimum Iudicem, & Sacerdotem sanctum defensa in tribunalibus paupertas, domi nutrita, quæ sita in triuijs, liberata in periculis, in frigore conuestita, in casibus erecta, recreata in ærumnis, in vinculis redempta, in valetudinarijs subleuata. Admirentur ab auro diuitem magis donato, quàm accepto; in iudicijs rei alienæ defensore, acerrimum, & prodigum largitorem suæ; seuerum in crimina, misericordem in reos; imitentur virum, sine vllius iniuria, obseruantissimum iuris; non ambitione ductum, aut lucri spe, sed amore iustitiæ; rectum in foro, pium in templo, parcum domi, foris liberalem, virtutum magnitudine præditum gigantea; staturæ, quæ visus olim est parenti, sola sanctitate conformem. Gallia tanto nobilis partu, quamuis peramplâ, impar est eius famæ, omnium planè gentium linguis, & litteris celebrandæ: neque enim solis coronandus est lilij, quem terrarum omnium flores, marium gemmæ, cælestium orbium sydera propè iam ambiunt. Itaque Clemens Summus Pontifex eius nominis Sextus, diuinitus è cælo præmonitus, ex- peritum à Regibus, probatum lectissimorum Patrum sententijs, & miraculis clarum, ritè Sanctorum ascripsit numero, & publicæ Christianorum venerationi palàm exposuit. En tibi Sacerdotum religiosissime, probatissime iudicum,

dicum, tribunalium gloria, iuris ornamentum, asylum
 paupertatis, Tibi, inquam, Iuo Roma nunc supplicat, Orbis
 caput te purpuratus iste Patrum confessus, te lectissimus
 Curiae Romanae Senatus implorat; atque ea sunt omnium
 vota, hoc in templo tuis meritis erecto, hac luce tuis ad-
 dicta sacris, ut dum regnas in caelo, dum virtutibus, &
 prodigijs orbem imples, ab ijs potissimum, qui iudicijs ubi-
 que terrarum praesunt, exprimaris imitatione (vbi nos ora-
 tione fecimus) **SANCTITATIS GIGAS,**

